

04 MAR 2002

UUM JOHAN PERTANDINGAN LANDSKAP

SINTOK, 4 Mac (Bernama) -- Universiti Utara Malaysia (UUM) diisytihar johan pertandingan landskap terbaik peringkat kebangsaan untuk kategori kolej, institutsi pendidikan dan latihan bagi tahun 2001.

Kemenangan itu membolehkan UUM menerima hadiah RM5,000, sijil dan plak yang disampaikan oleh Perdana Menteri Datuk Seri Dr Mahathir Mohamad pada majlis sambutan Hari Landskap Negara di Esplanade, Kuala Lumpur City Center (KLCC), petang semalam.

Menurut siaran media UUM hari ini, Timbalan Naib Canselor (Pembangunan) UUM, Prof Datuk Dr Elias Salleh mewakili Naib Canselor UUM, Prof Datuk Dr Ahmad Fawzi Basri menerima hadiah itu.

UUM memenangi pertandingan itu berdasarkan beberapa kriteria pemeliharaan landskap dan alam sekitar, rekabentuk dan susunan landskap, penyenggaraan, kebersihan dan keindahan kawasan persekitaran universiti.

Menurut kenyataan itu lagi UUM akan terus berusaha mengekalkan keindahan kawasan kampusnya seluas 1,061 hektar dan imejnya sebagai sebuah kampus institusi pengajian tinggi tercantik di rantau ini dengan penganugerahan itu.

Kampus UUM yang dikelilingi bukit-bukau dan hutan hujan tropika yang menghidu serta lebih menarik dengan tasik dan sungai Sintok yang mengalir di tengah-tengah kampus serta kawasan landskap yang indah menjadikan UUM ibarat sebuah kampus dalam taman, jelas kenyataan itu.

-- BERNAMA

ZA JM PR